



Broj: 04-40-1-285/25
Sarajevo, 13.10.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 12.10.2025. do 08:30 sati 13.10.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 11 manjih intervencija: dvije na gašenju zapaljenog smeća u kontejneru, jednu na gašenju zapaljenog automobila, jednu na gašenju manjeg požara u ugostiteljskom objektu, tri izlaska na teren po dojavi da se u zgradi pojavio dim i četiri obezbjeđenja (tri na Međunarodnom aerodromu Sarajevo i jedno auto trke).

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 12.10.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Uočene su geološke promjene, uključujući formiranje pukotina usljed atmosferskih uticaja i pucanja tla (na dijelu “Curine njive ispod igrališta” – dio šumskog zemljišta). Izvršen obilazak i vizualni pregled terena na lokalitetu klizišta. Tom prilikom je utvrđeno da je tlo na većem dijelu površine i dalje zasićeno vlagom, dok je uočeno i pojačano oticanje vode kroz drenažni kanal koji prima dotok iz donjeg dijela deponije. Na terenu su zabilježene manje plavne površine, naročito na prostoru igrališta i u centralnom dijelu klizišta, gdje se primjećuje sporije povlačenje vode. U donjem dijelu klizišta, iznad prvih stambenih objekata, uočena je veća količina blatnjavog i rastresitog tla koje se postepeno osipa niz padinu. Na dijelu iznad rasadnika, gdje se završava drenažni kanal, primjećeno je nakupljanje vode i povećana vlažnost tla. Tokom pregleda nisu

uočene nove niti veće pukotine na površini klizišta, a stanje terena trenutno je stabilno, uz prisutnu visoku vlažnost.

Ocjena rizika: Lokalizet je ocijenjen kao uslovno kritičan zbog geoloških procesa, te zahtijeva kontinuiran nadzor.

2. Knjeginjac (Opština Istočni Stari Grad):

Izvršen je obilazak i vizualni pregled lokaliteta deponije. Tokom pregleda je utvrđeno da nije došlo do većih promjena u odnosu na predhodni dan. Na terenu je vidljiva umjerena vlažnost tla, a na pojedinim dijelovima nasipa uočeno je blago osipanje materijala. U donjem dijelu deponije zabilježena je stalna pojava manjih plavnih površina koje nastaju usljed zadržavanja površinskih voda. Nema vidljivih tragova dovoženja zemljanog ni drugog građevinskog materijala na posmatrani prostor. Također u koritu iznad ceste nije primjećeno prisustvo vode, što ukazuje na to da nema aktivnog površinskog dotoka niti zastoja u protoku.

Ocjena rizika: Slijeganje deponijskog materijala i erozija usljed atmosferskih uticaja.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka. Prilikom obilaska lokaliteta Bistričkog potoka, vizualnim pregledom je ustanovljeno da nije došlo do većih promjena u odnosu na predhodni dan. U koritu potoka protok vode je stabilan i nesmetan, bez vidljivih prepreka koje bi ometale tok. Primjećeno je da je dotok vode iz pravca Trebevića slabijeg intenziteta, dok je voda u koritu blago zamućena zemljom, što ukazuje na prisustvo sitnih nanosa. Također iz kaptaze kod mosta na Boguševcu vidljiv je pojačan dotok vode, koja se ulijeva u glavno korito potoka. Na dijelu iznad mosta, koji teritorijalno pripada Općini Istočni Stari Grad, i dalje su prisutna urušena stabla i veće stijene unutar korita, što bi u slučaju povećanog vodostaja moglo djelimično otežati protok.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 6°C, vlažnost zraka 89%, barometarski pritisak 949,5 hPa.

BIHAMK: Saobraćaj se na području Kantona Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama MUP-a Kantona Sarajevo, povodom posljednjeg ispraćaja Halida Bešlića, danas 13.10.2025. godine, zbog održavanja Komemoracije u Narodnom pozorištu Sarajevo, čije će praćenje građanima biti omogućeno na Trgu Susan Sontag, od 09:00 do 12:30 sati bit će izmjenjen režim saobraćaja u ulicama Branilaca Sarajeva i Kulovića. Iz MUP-a apeluju na građane koji namjeravaju prisustvovati klanjanju dženazi u Begovoj džamiji (13:30 sati) da, ukoliko dolaze putničkim vozilima, parkiraju dalje od stare jezgre grada, te da vode računa da ne ostavljaju vozila na način da otežaju ili onemoguće protok saobraćaja. Na svim pravcima koji vode prema groblju Bare gdje će se obaviti ukop, očekuje se pojačan saobraćaj, koji će regulisati policijski službenici Uprave policije MUP-a Kantona Sarajevo. Na magistralnoj cesti Vogošća-Bare, zbog očekivanog pojačanog priliva vozila, moguće je privremeno preusmjeravanje teretnih motornih vozila na alternativne pravce. U ulici Alipašina od 12:00 do 17:00 sati bit će zabranjeno kretanje teretnih motornih vozila. Također, u ulicama: Jukićeva, Betanija i Dejzina Bikića, u skladu sprocjenom na terenu, bit će privremeno izmjenjen režim saobraćaja.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a